

733 **E**r dâhte: »sît ich mangel hân,  
 daz den sældehaften undertân  
 ist, ich meine die minne,  
 diu maneges trûrigen sinne  
 5 mit vreuden helfe ergeilet,  
 sît ich des bin verteilet,  
 ich enruoche, waz mir geschiht.  
 got wil mîner vreude niht.  
 Diu mich twinget minnen gir,  
 10 stüende unser minne, mîn unt ir,  
 daz scheiden dar zuo hôrte,  
 sô daz uns zwîvel stôrte,  
 ich möhte wol zanderer minne komen.  
 nû hât ir minne mir benomen  
 15 ander minne unt vreudebæren trôst.  
 ich bin trûrens unerlôst.  
 Gelücke müeze vreude wern,  
 die endehafter vreude gern.  
 got gebe vreude al disen scharn,  
 20 ich wil ûz disen vreuden varn.«  
 Er greif, dâ sîn harnasch lac,  
 des er dicke al eine pflac,  
 daz er sich balde wâpende drîn.  
 nû wil er werben niwen pîn.  
 25 Dô der vreuden vlühtec man  
 het alsîn harnasch an,  
 er sateltz ors mit sîner hant;  
 schilt unt sper bereit er vant.  
 man hôrte sîne reise smorgens klagen.  
 30 dô er dannen schiet, dô begundez tagen.

Dô dâhter: \*G (\*T)

h. geilt (er geileit L), \*G (ohne ZFr18Fr24)

sît ich der bin (bin L bin der \*T [nur U]) verteilt, \*G (V) (\*T)

e. niht, \*G (nur G) e. nû, \*T (L Z Fr18 Fr24)

tw. mit m. \*T (nur U)

sch., daz dar \*T

a. (aller L) m. unde aller (ander Fr18) vröuden tr. \*G · vreude und a. m. tr. \*T

glücke m. mich (vns I) vr. wern. \*T (I)

vreuden g., \*T

d. sch. ([\*]: disen scharn V). \*T

gr. hin (alhin I), dâ \*G \*T

er wil nû w. (erwerben L) \*G \*T

al (Alle U) sîn h. het (sinen [harnes\*]: harnesch geleite V) an, \*T

und glêne b. \*T (nur U)

\*D: D \*m: m Fr69 (733,6–8 und 11–13) \*G: G I L Z Fr18 Fr24 \*T: U V

1 Initiale D G I Z Fr18 Fr24 U 9 Majuskel D 17 Majuskel D 21 Überschrift: Disiu auentiuuer sait wie Parzifal mit sinem brvder ferafiz [strat]: strait I · Initiale I · Majuskel D 25 Majuskel D

4 diu trûriges mannes sinne \*m 7 enruoche] enruoche nû \*m 13 möhte] mohte D 16 trûrens] trûrens (turnenens m) noch \*m 24 »nû wil ich werben niht wan pîn.« \*m 26 geleit al sîn harnasch an, \*m 29 smorgens] morgens \*m